




Republika e Kosovës  
Republika Kosova  
Republic of Kosovo



Komuna e Gjilanit  
Opština Gnjilane  
Municipal Gjilan  
Gilan Belediyesi

## DREJTORIA E KULTURËS, RINISË DHE SPORTIT

Bazuar në Rregulloren e Ministrisë së Financave Nr.: 04/2017 mbi kriteret, standaret dhe procedurat e financimit publik të OJQ-ve, dhe në Rregulloren së Komunës së Gjilanit për kushtet, kriteret dhe procedurat e ndarjes së subvencioneve Nr.016-126422, dt.29.12.2016, Drejtoria për Kulturë, Rini dhe Sport-Gjilan shpall:

### THIRRJE PUBLIKE

2024

#### Thirrjen për aplikim në Programin Vjetor të Galerisë së Qytetit të Gjilanit për vitin 2025

Drejtoria e Kulturës, Rinisë dhe Sportit e Komunës së Gjilanit, u bënë thirrje Individëve(Artistët dhe Kuratorët) dhe organizatave të regjistruara si OJQ në Republikën e Kosovës, që të aplikojnë për mbështetje financiare për projekt-propozimet të cilët përbushin objektivat e përgjithshme si në vijim:

- Promovimin e artit përmes pasurimit, diversifikimit, barazisë gjinore dhe rritjes së cilësisë së jetës kulturore;
- Nxitin vullnetarizmin dhe pjesëmarrjen aktive të të rinjve në jetën kulturore përfshirë barazinë gjinore;
- Fuqizimi i koordinimit dhe partneritetit ndërmjet institucioneve të kulturës dhe shoqërisë civile duke respektuar ligjin për barazi gjinore;

Të drejtë aplikimi me projekt-propozime në këtë thirrje publike kanë OJQ-të dhe Individët(Artistët dhe Kuratorët) nga Republika e Kosovës dhe që realizojnë aktivitetin e tyre në Komunën e Gjilanit.

OJQ-të dhe Individët mund të aplikojnë vetëm në njëren nga kategoritë si në vijim:

**1. Mbështetje për projektet e aktiviteteve të Kalendarit Vjetor të Galerisë për vitin 2025;**

**2. Ekspozita Individuale ose Grupore;**

OJQ-të dhe Individët(Artistët dhe Kuratorët) mund të aplikojnë me më së shumti 1 projekt-propozim në një nga tre kategoritë(kategoria 1, 2 dhe 3) të kësaj thirrje publike. Tre kategoritë e caktuara më sipër janë shtjelluar më poshtë, duke zërthyer synimet dhe aktivitetet përkatëse, fushëveprimin, kriteret e përgjithshme dhe të veçanta për aplikuesit, si dhe shkallën maksimale dhe minimale të mbështetjes.

**VËREJTJE:**

**Nuk do përkrahen OJQ-të, Artistët apo Kuratorët të cilët kanë qenë pjesë e programit(përsitues) të Galerisë së Arteve gjatë vitit 2024.**

**Vlerësimi i projekt-propozimeve do të zhvillohet në dy fazë:**

**Faza I:** Vlerësimi administrativ, që identifikon nëse aplikuesi ka ofruar të gjithë dokumentacionin e nevojshëm në përputhje me kriteret e përgjithshme dhe të veçanta të përcaktuara me këtë thirrje publike për kategoritë përkatëse. Plotësimi i dokumentacionit pas afatit të aplikimit, përkatësisht gjatë periudhës së vlerësimit apo afatit të ankesave, nuk është i mundshëm.

**Faza II:** Vlerësimi i përbajtjes:

- Nëse aplikuesi është i profilizuar në fushën përkatëse me atë projekt që aplikon;
- Nëse aplikuesi ka paraparë respektimin e parimeve të qeverisjes së mirë në zbatimin e projekt-propozimit të paraqitur në këtë thirrje publike;
- Nëse aplikuesi posedon kapacitete profesionale dhe teknike për të zbatuar aktivitetet e planifikuara të projekt-propozimit;
- Nëse është përcaktuar ekipi i projekt-propozimit dhe detyrimet e anëtarëve të ekipit;
- Nëse projekt-propozimi përputhet me fushëveprimin e kësaj thirrje publike;
- Nëse projekt-propozimi kontribuon në përbushjen e objektivave të përcaktuara me këtë thirrje publike për kategoritë përkatëse;
- Nëse aktivitetet e projekt-propozimit janë të qarta, të arsyeshme, të kuptueshme dhe të zbatueshme;
- Nëse kostot e projekt-propozimit janë reale karshi rezultateve specifice dhe kohëzgjatjes së pritshme të projekt-propozimit;
- Nëse kostot e projekt-propozimit janë në përputhje me aktivitetet e planifikuara të projekt-propozimit;

Në rast të dështimit për të përbushur ndonjërin nga kriteret e përgjithshme apo të veçanta të përcaktuara me këtë thirrje publike për kategoritë përkatëse, aplikacioni do të konsiderohet i pa kompletuar dhe si i tillë nuk do të kualifikohet për mbështetje financiare.

**Aplikimi:**

Të gjitha detajet e aplikimit duhet të lexohen në formularin: Udhëzimet për Aplikantët, i cili është publikuar në kuadër të kësaj thirrje.

**Afati për aplikim:**

Do të konsiderohen për mbështetje financiare vetëm projekt-propozimet që janë pranuar brenda afatit të paraparë, të cilat i përbushin plotësisht kushtet e përcaktuara me këtë thirrje publike. Afati i fundit për aplikim është 15 ditë pune nga dita e shpalljes së kësaj thirrje publike dhe përfundon me datën: 11 Dhjetor 2024, në ora 16:00.

### Më shumë informacione rreth thirrjes publike:

Të gjitha çështjet që lidhen me thirrjen publike mund të sqarohen vetëm në mënyrë elektronike, duke dërguar pyetjet e mundshme jo më pak se 8 ditë (4.12.2024, 16:00h) para përfundimit të thirrjes për aplikim.

E-mail : [dkrs.gjilan@rks.gov.net](mailto:dkrs.gjilan@rks.gov.net);

#### KATEGORIA E PARË:

#### **Mbështetje për projektet e aktivitetave të Kalendarit Vjetor të Galerisë për vitin 2025**

Synimi i Drejtorisë së Kulturës, Rinisë dhe Sportit është që aktivitetet e parapara në kalendarin vjetor të organizohen mirë dhe të janë me cilësi të lartë.

Në këtë kategori parashihet mbështetja e OJQ-ve dhe Individëve të cilët janë të organizuar mirë, kanë vizion të qartë dhe strategji konkrete e të qartë të veprimit, dhe kanë dëshmuar kapacitet profesional dhe teknik për zbatimin e strategjisë së tyre. Nëpërmjet ofrimit të mbështetjes së veçantë për zhvillim organizativ dhe programor, synohet:

1. Fuqizimi i skenës së pavarur kulturore përmes zhvillimit të organizatave të dëshmuara të profilizuara në fushën përkatëse;
2. Rritja e cilësisë së krijimtarisë artistike;
3. Fuqizimi i partneritetit në mes të institucioneve publike dhe komunitetit kulturor në zhvillimin dhe zbatimin e politikave adekuate publike për fushën e kulturës;
4. Shkëmbimi i njojurive dhe ngritja e vetëdijes rreth rëndësisë së aktivitetave që realizohen në ato data kalendarike;
5. Nxjita e vullnetarizmit dhe pjesëmarrjes aktive të të rinjve;

Poashtu për vitin 2025, parashihet për herë të parë të ipet Cmimi "Artis 2025" edicioni i pare për artistët e rinjë deri në moshën 35 vjecare, për të cilin çmim mund të aplikojnë për ta organizuar si me lartë: OJQ-të, Artistët apo Kuratorët. Përfituesi i kësaj ngjarje, obligohet që nga shuma e përgjithshme e përfituar per organizimin e kësaj ekspozite, të ndajë vlerën monetare prej 1000€ përfituesin e çmimit "Artis 2025".

#### Kush mund të aplikojë:

- OJQ-të e regjistruara në Republikën e Kosovës, të profilizuara në fushën përkatëse me atë projekt që aplikon, me përvojë të dëshmuar në atë sektor, dhe që plotësojnë kriteret përkatëse të përgjithshme dhe të veçanta.
- Individët (Artistët dhe Kuratorët) nga Republika e Kosovës.

### **Kriteret e përgjithshme minimale të përcaktuara me dispozitat në vijim:**

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës;
- Të jenë të pajisur me numër fiskal sipas kërkesave të legjislacionit tatimor të Republikës së Kosovës;
- Të mos kenë pranuar mjete nga burime tjera të financimit për të njëjtat aktivitete të projekt-propozimit përkatës;
- Të mos ekzistojë ndonjë konflikt interesit në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës;
- Të ofrojnë dëshmi se OJQ-ja nuk ka obligime tatimore (nga ATK);
- Të ofroj dëshmi se OJQ-ja ka kryer transaksionet financiare në mënyrë transparente sipas legjislacionit në fuqi, në përputhje me rregullat e kontabilitetit, si dhe të kenë përmbrushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2023.
- OJQ-të nuk kanë të drejtë të aplikojnë me më shumë se 1 projekt-propozim në këtë thirrje publike.
- Anëtarët e OJQ-ve aplikuese nuk kanë të drejtë të aplikojnë edhe si individ në këtë apo ndonjë kategori tjetër në kuadër të kësaj thirrjeje publike.

### **Kriteret e veçanta të përcaktuara me dispozitat në vijim:**

- OJQ-të duhet të jenë të profilizuara në fushën përkatëse me atë projekt që aplikon, me përvojë të dëshmuar në programe dhe aktivitete përkatëse;
- Të dëshmojnë kompetencë profesionale dhe teknike për zbatimin e projekt-propozimit(dëshmi mbi skemën organizative, kapacitetet njerëzore).

### **Periudha e zbatimit të projekt-propozimit:**

Projekt-propozimet përfituesë në këtë thirrje publike duhet të zbatohen në tërësi brenda vitit 2025 të parapara sipas Kalendarit Vjetor.

### **Shkalla e mbështetjes:**

- Shuma maksimale e mbështetjes për një përfitues 2,500.00 Euro
- Shuma minimale e mbështetjes për një përfitues 500.00 Euro

## KATEGORIA E DYTË:

### 2. Eksposita Individuale ose Grupore

Synimi i Drejtorisë së Kulturës, Rinisë dhe Sportit është të nxisë krijuaritë artistike, krijuaritë të gjitha formave që përfaqësojnë vlera dhe barazi gjinore.

Kjo kategori synon mbështetjen e OJQ-ve dhe Individëve (Artistët dhe Kuratorët) në fusha si në vijim:

- Artin pamor, përfshirë ekspositat( mediumin e pikturës, skulpturës, grafikës, instalacionit, videos, performancës, etj), paraqitje inovative vizuale, performancën artistike, fotografinë etj;

Nëpërmjet ofrimit të mbështetjes së veçantë për krijuaritë/artistët synohet:

- Vazhdimësia e jetës artistike, paraqitje inovative;
- Pasurimi i shprehjes krijuaritë artistike bashkëkohore;
- Gjenerimi i kuadrove të reja profesionale, të cilët do të kontribuojnë në ngritjen e cilësisë profesionale në fushën e krijuaritë artistike e kulturore;
- Nxitja e vullnetarizmit dhe pjesëmarrjes aktive të të rinjëve në fushën krijuaritë të gjitha formave artistike;

#### Kush mund të aplikojë:

- OJQ-të e regjistruara në Republikën e Kosovës, të profilizuara në fushën përkatëse me atë projekt që aplikon, me përvojë të dëshmuar në atë sektor, dhe që plotësojnë kriteret përkatëse të përgjithshme dhe të veçanta.
- Individët (Artistët dhe Kuratorët) nga Republika e Kosovës.

#### Kriteret e përgjithshme minimale të përcaktuara me dispozitat në vijim:

- Nëse ka përfituar më parë mbështetje financiare publike, të ofrojë dëshmi se ka kryer transaksionet financiare në mënyrë transparente sipas legjislacionit në fuqi, në përpunje me rregullat e kontabilitetit, si dhe të kenë përbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2023.
- Të mos kenë pranuar mjete nga burime tjera të financimit për të njëjtat aktivitete;
- Të mos kenë aplikuar me më shumë se 1 projekt-propozim në këtë thirrje publike.
- Të mos ekzistojë ndonjë konflikt interesit në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës.
- Anëtarët e OJQ-ve aplikuese nuk kanë të drejtë të aplikojnë edhe si individ në këtë apo ndonjë kategori tjetër në kuadër të kësaj thirrje publike.

### **Kriteret e veçanta për OJQ të përcaktuara me dispozitat në vijim:**

- OJQ-të duhet të jenë të profilizuara në fushën përkatëse me atë projekt që aplikon;
- Të dëshmojnë kompetencë profesionale dhe teknike për zbatimin e projekt-propozimit(dëshmi mbi skemën organizative, kapacitetet njerëzore);

### **Kriteret e veçanta për individ të përcaktuara me dispozitat në vijim:**

- Të dëshmojnë kompetencë profesionale dhe teknike për zbatimin e projekt-propozimit(dëshmi mbi skemën organizative, kapacitetet njerëzore).

### **Periudha e zbatimit të projekt-propozimit:**

Projekt-propozimet përfituese në këtë thirrje publike duhet të zbatohen në tërësi deri më 31.12.2025.

### **Shkalla e mbështetjes:**

- Shuma maksimale e mbështetjes për një përfitues 2,500.00 Euro
- Shuma minimale e mbështetjes për një përfitues 500.00 Euro

### **KATEGORIA E TRETË:**

#### **3. Arkivimi dhe Dixhitalizimi 360° i Ekspozitave të Programit Vietor**

Në kuadër të pasurimit të veprimtarisë kulturore dhe ruajtjes së trashëgimisë artistike, Drejtoria e Kulturës, Rinisë dhe Sportit shpall hapjen e një kategorie të re për arkivimin dhe dixhitalizimin 360°-të ekspozitave të përfshira në programin vjetor.

Qëllimi i kësaj kategorie është:

- Sigurimi i dokumentimit të plotë dhe të qëndrueshëm të ekspozitave për ruajtje dhe promovim afatgjatë.
- Krijimi i arkivave dixhitale që do të rrisin aksesin dhe përvojën për publikun në nivel lokal dhe ndërkombëtar.
- Inkurajimi i inovacionit teknologjik në përfaqësimin e artit pamor dhe performativ.

### **Kush mund të aplikojë:**

- OJQ-të e regjistruara në Republikën e Kosovës, të profilizuara në fushën e dixhitalizimit dhe arkivimit, me përvojë të dëshmuar në këtë sektor.
- Individët (artistët dhe profesionistët e teknologjisë) nga Republika e Kosovës, të cilët ofrojnë

projekte të bazuara në standartet më të larta teknike dhe kreative.

**-Kriteret e përgjithshme dhe të veçanta:**

Aplikuesit duhet të plotësojnë të gjitha kriteret e përcaktuara për OJQ dhe individë, siç përmendet në pjesët e mëparshme të kësaj thirrje publike. Përveç tyre:

- OJQ-të dhe individët duhet të demonstrojnë përvojë në realizimin e projekteve dixhitale dhe në përdorimin e teknologjive 360°.
- Aplikuesit duhet të dorëzojnë një plan të detajuar për dixhitalizimin, përfshirë teknologjite e përdorura dhe metodologjinë e arkivimit.

**Periudha e zbatimit të projekt-propozimit:**

Projektet përfituese duhet të zbatohen dhe të finalizohen brenda afatit të përcaktuar, deri më 31.12.2025.

**Shkalla e mbështetjes:**

- Shuma maksimale e mbështetjes për një përfitues 8,000.00 Euro
- Shuma minimale e mbështetjes për një përfitues 500.00 Euro

Drejtori: Kushtrim Zeqiri

